


OF THE CITY OF BOSTON OF THE CITY OF THE C

Bought with the Charlotte Harris Sund Charlestown Branch.



Digitized by the Internet Archive in 2010 with funding from Boston Public Library





eft.

#623

## HARANGVE DE L'AMATEVR

DE IVSTICE,

AVX TROIS ESTATS.

M. D. C. X V.



## De l'Amateur de Justice, Avx trois Estats.

"Est de vous (Messieurs) que nous esperons que la lustice sera remise en la possession de son ancien patrimoine, d'ou elle a esté honreusement banie par ceux de nostre Siecle; c'est de vous que nousattendons le restablissemené de son ancienne Noblesse enfermée dans les coffres de l'ignorance, liée & garotteé d'vne chesne ala Persienne souvenés vous que c'est elle qui a faict autres fois florir toutes ces belle Republicques payenes, dont vous aués tiré vos loix, celle de Rome, d'Athene, & de Lacedemone ne se sont elles pas perdues en la perdant; prenés garde qu'il n'en arrine autat a la vostre, car elle commance a se lasser d'endurer, si vous ne donnés ordre qu'elle ne soit remise en sa première splendeur. Pleust à Dieu que ceux qui sont pourueus de ses offices, sceussent bien pratiquer ces belles leçons que Dieu leur à dictées par la bouche de les Prophetes & Apostres. Iuges voyés ce que vous faictes, car ce n'est point le Iugement des hommes que vous exercés, mais celuy de vostre Dieu & selon que vous jugerés ainsi serés yous iugés, & derechef, faictes Iugement & Iustice, ou autrement l'ay iuré en moy que vostre maison sera deserte. Elles leur seroient fort facilles a mettre en vsage, s'ils auoient tant soit peu d'experience aux affaires, & suiuoyent les loix; c'est a

dire si la loy dominoit, non pas eux la loy. Et a la verité nous dirons, que la Republicque laquelle est la mieux ordonnée & policée, & celle en la quelle domine non tous indiferemment ou plu fieurs, ains celle en laquelle la loy seule domine car elle n'est iamais poussée d'aucune affection elle nesecourouce point, elle ne hait personne elle n'est pointsaisse d'ambition, elle aime tout égálement & les fauorife, & randis qu'elle domine, elle n'endure point qu'aucun s'esleue par am bition, pour conduire le peuple a son plaisir, mais elle gouverne sagement la Republicque: c'est pourquoy le Iureconsulte Pomponius, l'appelle vne promesse & obligation commune de la Republicque: & Aristote qu'elle est le commun co sentement du peuple, lequel ordonne par escrit comme chasque chose se doit saire ou non faire ainsi aussi Ciceron, qu'elle ordonne ce qui est iuste & bon, & destend ce qui est mauuais; a quoy s'accorde ce que dit le Inteconsulte Modestinus, que la force & vigueur de la loy est commander, deffendre, punir, & permettre. Et certes les Magistrats qui l'ont violeé & violent encores tous les jours, doibuent bien panser que l'œil de la vengeance ne dormira pastouhours. Ceux qui ont droit de lustice, comme plusieurs Seigneurs debuoient bien connoistre ceux lesquels ils co. metrent pour l'exercer : car de la vient vn grand biena leurs subjects ou vn tres-grand mal ainsi donc (Seigneurs) lors que les offices des Iuges vacqueront en vos iustices, donnés les places de iudicature a gens qui en soient capables & dignes, yous serés les premiers qui en recepurés les

fruicts, & vos subiects les seconds. Dauentage vous ferés voir a nos Roys la faute qu'ils font de vendreles Estats, voire despremiers de leur Iustice, & non seulement des luges & Iurisdictions Royales, & des luges Presidiaux, mais des Parlemens. Le Roy Louis douziesme en fit le premier l'ounerture pour les Estats de la chambre des Compres le Roy Fraçois apres la suiui, pour rous les Estats de judicature, mesme des Parlemens, celuya qui nous nous ressentons tant redebuables d'auoirfauorise les lettres en France. Et le Roy Henry le Grand, duquel les louanges sont & seront a jamais espandues jusques aux derniers confins du monde, a la persuasion d'aucuns qui luy representerent les grands deniers qui luy en viendroient lesa rendus fiels, faisant financerparan aux Officiers le sixies me de leur estat. Milerables qui rienent des charges a ceste condition, que acheptent le temps qu'ils consument a seruir d'une somme qu'il faut qu'ils gaignent pour la payer, & si par ce moyen en rendant les estats fiefs, c'est osteraux gens d'honneur lemoyende pouuoir seruir leur pays,& ouurir la porté aux ignorans, c'est a dire a ceux qui auront plus d'argent que descience. Helas on est cegrand President la Vacquerie, pour nous en saire des Remonstrances, n'en naistra il point vn Phenix de ces cendres pour nous entonner icy les discours, & nous apprendre que ce n'est point l'or & l'argent qui maintiennent les Roys & leurs estats: mais ces deux colomnes, la vieté & la Iustice. Heureux ceux qui ont tellement gouverné leurs Prouinces qu'ils n'ont laissé apres eux au-

cun vestige d'auarice & luxure. Rochés inacces sibles, forteresses imprenables & inexpugnables bouleuers de justice, quand aurons nous l'heu que nostre Roy vous appellera par vos capacités sus affaires: afin d'amanter toutes sortes de mo yens fort propresa tirer la verité du milieu des tenebres, discerner le iuste de l'iniuste, garenti les vefues & les Orphelins de la foule & oppres sió des profanes & impies. Les reformatios co măcet quelquesfois par les parties les plus basses doncques (Seigneurs) a qui le Roy a concedé le Iustices ne cerchés les officiers du Roy dans le Iurisdictions, qui remplissent leurs sieges des appellations des sentences qu'il auront eux mesmes donneés, pour se faire recepuoir plusieurs fois aux parties & y proffitent en diuers temps nyadmettés point aussi des Procureurs des Sieges car ils n'auront que l'habit des Iuges, qui ell la robe qu'ils y porteront aux iours qu'ils ironi exercer leurs charges, & peut estre qu'encores ils aurontapprehension, d'enuéloper seurignorance d'vne soutane & d'vne robe: croyés moy cesoi tous vautours enrobés, monstres biformes, horribles & exerables, ayant bien au dehors la figure d'hommes, mais en effect & au dedans, ce sont des vrays toreaux, des loups affamés, des bestes farouches & sauuages, qui se repaissent incessamment de chair humaine, escorchent le pauure peuple, le succent iusques aux entrailles, foulent e iuste & l'innocent, tantost par faux contracts, tantost par mutilations des registres, tantost par concussions & exactions tres-pernicieuses nous

voyons praticquer cela tous les iours a nostre grand regret, quime meut de representer icy les qualités d'vn bon luge, pour le choix que vous en ferés quand l'occasion s'en presentera aucuns ont depeint la Iustice couverte d'vn grand voile & sans yeux, enquoy il me semble qu'ils luy font miure: car sur toutes choses celuy qui estiuge, doibtauoir les yeux clairs-voyans, fermes & assurésa la terreur des meschans: mais peut estre qu'ils ont voulu dire, que le Iuge ne doit se soucier des menaces, ny des prieres des grands de ses parens, ny de ses amis, & qu'il doit destourner d'eux les lumieres chastes de la Iustice, de crainte que ses yeux ne soyet esblouis & ne conuiet, par ce qu'il doit faire iugement du bien d'ayec le mal, & desinnocens d'auec les coulpables, qu'il ne se laisse point corrompre, par les esperances, faueurs, proffits & telles autres especes de charmes plus dangereux que ceux des magiciens, que leurs yeux ne soyent point surpris, constants & asseurés comme ceux de Socrate, quand sans siller il regardoit le soleil, c'esta dire, Dieu du chef, duquel la iustice est neé, le gouvernail & conduite de laquelle il a commise au Iuge, ainsi Qu'a-Eneé son vaisseau a Palinurus, qui pour si peu qu'il se d'escouure de l'equité, tombera precipité entre les Hyrtes & les rochers, ses yeux aussi peu desirans que ses mains continantes ainsi que disoit Pericles, habillé modestement d'habits deceus a sa charge, incorruptible, aueugleaux presens, qu'il soit tellement esgal enuers yn chascun, qu'il puisse iuger sans passion, & que la raison luy soit comme en la main le baston a l'auengle, duquel il tatonne s'il ny a point de pietre en son chemin contre laquelle il offense & blesse son pied: que selon Solon il aye les aureilles sort ou uertes, a celle sin de s'accoustumer a ouir bien ou mal dire de luy, & ne sust esmeu des louanges ou des medisances du vulgaire, & mesme quelques sois à la façon d'Vlisse, il se bouchat les aureilles de cire, & quelques sois d'estre sourd, mais non lors qu'il exerce sa charge: bref estre tel que Persse le d'espeint en ces vers.

Ille sciat iustum semina suspendere lance Ancipitis libra rectum discernat obi inter Curua subit vel cum fallit pede regula varo Sitque potis nigrum vitio presigere Theta.

Ausurplus, nous donnons aussi l'aduis de Ciceron en son Oraison pro Cluentio; nec lentum nimis etiam esse debere, ne litium faciat immortalitem, ne que frigidum nimis indelictis plectendis purgandaque scelestis hominibus ciuitate: mais nous voulons que le luge viue auec vne ame innocete, qu'il n'apprehende point la peine, qu'il ne soit point paresseux, ny qu'il se laisse trop aller, qu'il ne se face aussi trop redoubter, qu'il ne soit audacieux, mais bien temperé, qu'il ne soit trop précipitant, ne aussi trop estourdi, qu'il ne se laisse emporter a lacollere, ny a trop grande compassion, qu'il nese laisse fleschir, qu'il soit tousiours ferme, qu'il ne se laisse suborner : bref qu'il soit aussi homme de bié & aussi sage que celuy lequel a peine Apollo peut il trouuer entre mil. Quand nous le voudrons choisir, il ne faut point que nous ayons autrement esgard a sa parenté à son estre & creatio: mais seulement que nous regardions s'ila este nourri

9

nourri & allaicté du laict des mammelles de Iustice, laissant la les moyens qui ne sont que choses terrestres, caducs & perissables. Imitons ces anciens payens, lesquels estoient tous zelateurs de Iustice, ne la laissants point à labandon de qui la vouloit, ne l'exposoient point a l'encan, comme nous semblons faire auiourd'huya toute sorte de personnes ,ainfi qu'yne marchandife,dont on ne faict pas grand compte. Allexandre Seuere Syriende natio, bon Prince, guerrier, iusticier, pieux, & le premier Empereur Christicolleapres Adrian, na iamais permis, ne voulu soustrir, que les Estats de Iudicature se missent en vente, necesse est (inquit) vi qui emit vendat : ego non patiar mercatores potestatum, quos si partiar damnare non possim: Erubesco enim punire illum hominem qui emit & vendit Voila de belles parolles dignes certes d'vn tel Prince, lesquelles pequent seruir d'exemples a nos Roys, qui maintenant ne sçauroient autourd'huy puniriuste. ment ceux qui ont charge sur vn peuple, s'ils com-mettent quelque injustice, parce que l'on peut dire que ce sont eux mesmes, qui leur en donnent le subject, mettants en vente leurs Estats de judicature, les desliurants aux plus chers & derniers encherisseurs, qui le plus souvent sont enfans de Marchans, qui n'auront iamais este nourris en l'Eschole de vertu, & lesquels osent bien mettre tout leur auoir, ou bien peu s'en faudra en des Estats, pour exercer toute leur vie contre leurs consciances toutes sortes d'impietés, ne se proposans, né liberté, ne vertu pour leur but: ains seulement vne conuoitise de cheuances, auoir, & richesses, laquelle, n'a borne ne mesure quelconque, ne aucun assouvissement, non plus qu'vn feu bien embrazé, ou vn creuxabif-

me de mer, l'vn & l'autre insatiables de tout ce qui se peur mettre dedans. Maisle pis queie voy, c'est que la plus part deux, sont ordinairement alliés les vns auec les autres, de sorte que si quelqu'vn deux a delinqué, il est impossible d'en esperer la punitio, & moins encores d'auoir Iustice, si on a quelque chose a desmesser auec eux, & si on en veut recuser vn, il faut par mesme moyen recuser tout le siege, come nous voyons cela ariuer souuent. Es Estats du pais de Languedoctenusa Montpellier, en l'an mil D.lvj. il fut arresté de remonstrer au Roy, qu'il luy plûit ordonner, que les proches parens & alliez ne fulsent admis en mesme siege ny en mesme court: Et quatre ans apres, les mesmes remoustrances furent faictes au Roy par les Estats de France tenus à Orleans, mais il est impossible d'y remedier maintenant, tant que les Estats soient perpetuels, & conserués par la Paulette. Il ya deus cents-cinquate aus & plus que le Roy Charles cin quiesme, & auparauant luy Philipe le Bel, Auoiens ordonné que nul ne fust luge au pays de sa naissance, conformement a l'Edit de Marcaurele, lequel ordonna que pul ne fust Gouverneur de son pays ce qui fut depuis estendu aux conseilliers assesseurs & Gounerneurs des Prouinces, & fut tres-bie exe cuté:comme il est encores en Espagne, & en la plus part des villes d'Italie, le Iuge ordinaire est estranger.Il y a quelque temps qu'aux Estats de Poulongne, les Ambassadeurs de Moschonie requirent la mesme chose : mais l'ordonnance de nos Roys, a esté tost enseuelio. Et sans cercher les Edicts des Empereurs Romains, ne lisons nous pas dans les memoires de Cesar, que les ancies Gaulois, & mesmes ceux d'Autun auoient vne loy inuiolable, qui

effendoit que les Magistrats sussent continués lus d'vn an & que deux d'vne samille ne peussent stre Magistrats, ny Senateurs ensemble, ny s'vn ant que l'autre qui l'auroit esté viuroit. Dauantae la chose qui plus doit estre recommandée a rous ibjects en general, & a chascun en particulier, est aconservation du bien public. Et quel soin, quel oucy du bien public, peuuet auoirceux quiny peuent auoir aucune part? comment auront ils soin e ce qui ne leur touche ny pres ny loin? Et si queljue homme de bien veut dire, faire, & entrepredre uelque chose pour l'viilité publicque, estant prié qui l'escoutera? qui le supportera? qui le fauoriera?les histoires nous apprenent, que presque tous es Estats populaires ont esté changes en Monarhies, pour auoir donné les chargés & commissios luslong temps qu'iln'estoit besoin:comme a Pisitrate en Athenes, a Phidon en la ville d'Argos, a Typsele en Chorinte, a Denys en Syracuse: a Panee en Leoce, a Phalaris en Ionie: & sans aller si loin l'ou sont venus tous les Princes & Seigneurs d'Itaalie, sinon que de la : ainsi que cesiours passés nous auons faict voir en certaines remonstrances. Ce que preuoiant le dictateur. Aemilius Mamercus resenta requeste au peuple, qui passa en force de oy par laquelle il fut ordonné que la censure desors en auant prendroit fin en dix-huict moys, qui Roit Establie pour durer cinqannées, & le jour uiuant il deposa la dictature ne la voulant continuer plus d'vn iour, & adiousta ceste raison, ve sciatis quam mihi diuturna imperia non placeant, ta peu de temps de la, nous lisons que le tribun Gabinius fut tuéen plein Senat par les Senateurs nesmes (comme nous lisons en Dion) pour auoir aich decerner a Pompée la comission de la guerre

Bij

Piraticque pour cinq ans: & rend la raison pour quoy il est fort dangereux d'octroyer les charges honorables trop long temps, par ce (diril) que le naturel de l'homme est fel, qu'il mesprise vn chascun, & ne peut viure en subject, depuis qu'il a long temps commadé: c'est ce que dit Cassiodore quali en mesme sens, antiquitas voluit prouinciarum dionitatem annua successione reparari, ve nec diutina potestate unus insolesceret, et multoru prouectus gaudia reperirent. Et peut estre que ce sut l'vn des plus grands moyens de colerner l'Estat des Assyriens & Persans, qui tous les ans changeoint de Capitaines & Liutenans. Et cependant aujourd'huy nous voyons que les enfans par le moyé du droict annuel, sont maintenus & gardés en la possessió des Estats de leurs peres, quelle folieie vous prie le pere peut estre sera meschat & scauant, & le fils ignorant sera en sa place, de sorte que tous les jours nous tobons de fiebure en chaud mal, de dire qu'il ne sera receu s'il est ignorant, c'est s'abuser : veu qu'autant en pend a lœil de ceux qui le reçoiuent ayant peul estre des enfans de telle Cathegorie, qu'ils veulenje pouruoir semblablemet auant ou apres leur mort, O que les republicques sont heureuses quand el les sont gouvernées par gens de bien, prudens, & sçauans:car ou la sapience est, la Iustice ne s'en peul pas esloigner, & ainsi il ne s'y peut rien faire d'in inste, ny de Tirannie; mais ou l'ignorance est, & le deffaut d'experience; ce ne sont qu'arrogances, au l daces, praticques de toutes choses corre tout droil & raison (ce qui estoit reproché aux Atheniens vr. ardent desir & appetit insatiable de gain) tout y es en desordre, d'autant que si le Iuge ignorant ayme autourd'huy quelqu'vn il le fauorisera, mais si le le demain il le luy a faict la moindre offense, il le con-

danera, & ny a aucu qui ne puisse faire de telles fautes, s'il est ignorat des loix & des scieces, & qu'ilayt ceste opinion d'estre la loy mesme de cela qu'il a puissance de juger-Certes le gouvernement de tels luges & Magistrats est tres-dagereux, par ce queils foulet les plus nobles & mespriset les vertueux & sçauans, les vns estants poussés d'amour, de haines, d'animolités, ou de quelques affections particulieres, les autres d'esperance, de crainte, d'ambition, ou d'auarice iugent le plus souvent ce qui est inique, & ainsi ils ne sement touteleur vie (comme dit le sage ) que peruersité, mais aussi ils doibuent scauoir qu'ils en moissonneront le tourment. & que la verge de leur indignation prendra fin. Vous aurés donc (Messieurs) assés d'aiffaires aux Estats, si vous voulés apporter une reformation a la Iustice, que de parler de tels officiers, telle corde merite bié d'estre touchée & a besoin d'estre mise en bon ton, vous trounerrés assés en france à qui commettre le maniement des affaires, nous auons encores Dieu merci bon nombre de personnages, doctes & vertueux, nos prouinces, nos villes, vous en fourniront assés, Estant chose certaine & sans doubte, que de gens de bien & entiers il ne sçauroit sortir, ny esclorre autre chose que de bos coseils & aduis. Nous trouuerrons si nous voulons des Fabrices, des Publicoles, des Curies, des Calatins, des Cecinnates, des Attilles, pour les faire asseoir sur le throsne de la Iustice, & lesquels prefereront tousiours leur particulier au public. Helas bon Dieu!ne sçaurions nous voir vne telle reformation en nostre pauure Frace, n'oaurs nous iamais cet heur que de voit les Estats non plus venaux. C'est de vous (Messieurs) que despendent telles affaires pour le bien de l'Estat, C'esta vous de remonstrer au Roy les maux

que nous enduros tous les iours de ce costé la Vous voyés comment ceux d'aujourd'huy a cause de la cherte de leurs offices, vendent la Iustice, vendent les Republicques, védét le sang du pauure peuple, vendentles loix aussi, & cosequemment ostentles loyers d'honneur, de vertu, sçauoir pieté & de Religion, ouurants en pleiniout la porte aux larcins, aux concussions, al'auarice, Iniustice, ignorance, a l'impiere & a tous vices & ordures. Voila en vn mot que cest que de la pluspart de nos iuges, & desquels Horace a tres-bien sceu dire, Male veru examinant omnes corruptijudices, ie dicts la plus part, car ie ne doubte point qu'il ny en air encores d'entre eux, qui regrettent de voir telles choses; mais quoy : que peut faire vn petit nombre, entre tant de corrompus, sinon que d'auoir recours a Dieu, & le prier d'auoir pitié de son peuple desolé, affli-gé, foulé, & ruiné par ceux qui ont l'authorité fur luy, ou bien auctorisent ceux qui commettent telles impietez, sans se soucier du juste, sans supporter la veufue, l'orphelin, sans reprimer l'insolece des vns & des autres, sans guerdonner la vertu & integrité de ceux qui le meritet. Ce sont a propre ment parler torrens de nature desbordée & accessiue, lesquels apresauoir rompu la leuée d'equité & de bonté, viennent a s'espendre parmy les campagnes, rauager pour vn temps les semences de iultice, atterer les moissons toutes entieres, jusques à c e que finalement ils se vont perdre & precipiter dans cétabisme espouuentable duquel par Virgile.

tenent media omnia Sylue Cocitus-que Sinus Labens circonfluit atro.

Par faute de voir bien a l'œil ceste iustice diuine. laquelle auec des yeux en plus grad nombre Qu'argus, penetre au dedans de leurs pensées profanes. & ala mienne vollonté que ces gés la se voulussent vn peu arrester a conderer, qu'elle a esté este iustice sicurieusement obseruée par le paganisme, ils ny trouueroient que toute equité & droiture, nous en auons encores leurs loix, lesquelles sont plus divines qu'humaines. D'auantage, s'ils vouloient s'enquerir ou est cegrand Allexandre ce grand Cesar, ce grand Charlemagne & tant d'autres Roys, ils seront estonnés de se souuenir quels ont esté leurs Estats, ce Lyrique payen a bien chante leur honneur.

Nullus argento color est auaris Abdite terris jnimica Lamna Crispe salusti nisi temperato S plendeat vsu.

Qui consistoit principalement en esse ascharitables, l'vn desquels & le principal estoit d'auoir l'affection vers les pauures, les soustenir, & paraumosnes releuer leurs necessités; ainsi en doibuent vser ceux qui ont auctorité sur vn peuple, escouter la plainte d'vn pauure plustost que celle d'vn riche, cest a dire le preferer sans tant le faire demeurer a leur porte, non tant soubs esperance de gain que pour l'amour de la vertu : imitans en cela Traian ce grad Empereur Iusticier, lequel est a bo droit loué des historiens, de ce qu'estant a cheual pour aller a laguerre, il mit pied a terre pout ouir la plainte que luy vouloit faire vne pauure femme. Bel exeple certes pour ceux qui se messent de gouverner la iustice, lesquels s'ils veulent faire le semblable, cesta dires ils sont amareurs d'equité & zelateurs de Iustice, ils doibuent auoir esperance certaine de ne mourir iamais que pour viure dans le Ciel. Pour conclusion suiuons tous iours la Iustice,

restablissons la comme elle estoit du temps de nos anciens peres, embrassons la, sans en iamais quitter la prise, a l'exemple de ces grands personnages Payens, le squels bien qu'ils n'eussent le vraye conoissance de nostre Dieu:toutesfois il s'est seruy deux, pour faire admirer sa bonté & iustice, par des gens bien versés, & qui ont laissé apres eux vne memoire eternelle de leurs actes vertueux a tout le genre humain faisons eslection de gens suffisans & capables, soit en exemple de bonne vie pour l'administrer: n'allons point cercher ceux qui n'ont que la bourse en la main & rien autre chose pour leur doner des charges, afin de se faire bonnerer, craindre sans raison, & exercer toutes sortes d'impietés, mais ceux la tant seulement Quorum Spectata et nobilitata virtus non solum natura coroborata, sed etiam disciplina putabatur, & lorsce serala vraye guerison de l'Estat, ny ayant rien plus necessaire en ce monde, que de bons officiers doués de science & sagesse, afin de bien conduire & ordonner la vie humainea sa propre & heureuse fin, & lesquels seront curieux de rapporter tout leur soin & industrie, pour la conduicte d'icelle, au bien & vtillité publicque, afin d'en remporter aussi pour eux mesmes, vne louange, gloire, & reputaiton immortelle.

FIN.







